

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
OPĆINA JAJCE  
Općinski načelnik

Broj: 02-14-7-5047/19  
Jajce, 11.07.2019. god.

Na osnovu člana 70. Zakona o javnim nabavkama („Službeni glasnik BiH“, broj 39/14.), člana 110. Statuta Općine Jajce („Službene novine Općine Jajce“, broj 3/08) Općinski načelnik Općine Jajce donosi:

**ODLUKU**  
**o izboru najpovoljnijeg ponuđača**

**I**

Ovom odlukom Općinski načelnik je nakon provedenog pregovaračkog postupka bez dodatne objave obavještenja o nabavci, a radi prikupljanja ponuda za izbor najpovoljnijeg ponuđača za nabavku dodatnih radova na rekonstrukciji lokalnih puteva za 2019. godinu, a vezano za Ugovor o izvođenju radova broj: 02-14-7-4452/18 od 04.09.2018. godine, odlučio o ponuđaču kojem će dodijeliti ugovor.

**II**

Za ponuđača za izvođenje radova iz tačke I ove odluke kao najpovoljniji odabran je ponuđač:

**"KOMOTIN" d.o.o. Jajce**

Ponudena cijena radova sa uključenim PDV-a iznosi **157.836,49** (slovima: stotinupedesetsedamtisućaosamstotinatridesetšest i 49/100 konvertibilnih maraka)

**III**

Ponuđač iz tačke II ove odluke ocijenjen je kao kvalificiran, a njegova ponuda zadovoljava kriterije navedene u zahtjevu za dostavu ponuda.

**O b r a z l o ž e n j e**

Poziv na pregovarački postupak upućen je 28.06.2019. godine ponuđaču "KOMOTIN" d.o.o. Jajce. Dana 08.07.2019. godine održani su pregovori sa predstavnikom ponuđača "KOMOTIN" d.o.o. Jajce na kojima su se na prvom mjestu verificirale kvalifikacije istog, te se pregovaralo o tehničkim, ekonomskim i pravnim aspektima ugovora. Na pregovorima je utvrđen datum za prijem konačne ponude i to 10.07.2019. godine do 09,00 sati.

U skladu sa naprijed navedenim ponuđač "KOMOTIN" d.o.o. Jajce je u utvrđenom roku dostavio ovom organu ponudu za nabavku dodatnih radova na rekonstrukciji lokalnih puteva za 2018. godinu. Komisija u skladu sa odredbama Zakona o javnim nabavkama BiH izvršila otvaranje zaprimljene ponude, te je sačinjen Zapisnik sa otvaranja ponuda koji se nalazi u spisu nabavke.

Nadalje, na zatvorenom sastanku Komisija je pristupila analizi ponude u dijelu koji se odnosi na ponudene jedinične cijene, s ciljem provjere računskih operacija te utvrđivanju prihvatljivosti ponude. Komisija je utvrdila da u ponudi nema računskih greški. Imenovano privredno društvo je za nabavku dodatnih radova na rekonstrukciji lokalnih puteva za 2018. godinu, na osnovu tehničke specifikacije sačinjene od strane Komisije imenovane od strane općinskog načelnika koja je sastavni dio tenderske dokumentacije, dostavilo ponudu u iznosu od **134.902,99 KM**. U cijenu nije uključen PDV.

Komisija konstatuje da se radi o privrednom društvu sa kojim Općina Jajce već ima zaključen Ugovor o izvođenju radova broj: 02-14-7-4452/18 od 04.09.2018. godine (Osnovni ugovor te da je članom 24. Zakona o javnim nabavkama BiH („Sl. glasnik BiH“, broj 39/14) predviđena mogućnost isporuke dodatnih radova. Članom 24. stav (1) tačka a) Zakona o javnim nabavkama BiH („Službeni glasnik BiH“, broj 39/14) je propisano: „Ugovor o javnoj nabavci radova može se zaključiti u pregovaračkom postupku bez objave obavještenja u sljedećim slučajevima:

b) u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti s dobavljačem

kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.

Komisija nije cijnila ispunjenost uslova iz člana 24. Zakona o javnim nabavkama BiH („Službeni glasnik BiH“, broj 39/14) smatrajući da je to učinjeno od strane Općinskog načelnika prije donošenja odluke o pokretanju postupka javne nabavke.

U postupku procjene i vrednovanja ponude pristigle u pregovaračkom postupku bez objave obavještenja, a radi izbora najpovoljnijeg ponuđača za nabavku dodatnih radova na rekonstrukciji lokalnih puteva za 2018. godinu, a vezano za Ugovor o izvođenju radova broj: 02-14-7-4452/18 od 04.09.2018. godine, Komisija za javne nabavke je nakon evidentiranja sadržaja ponude i ocjene kvalificiranog ponuđača utvrdila da ponuda ponuđača "KOMOTIN" d.o.o. Jajce sadrži svu potrebnu dokumentaciju. Komisija je predložila Ugovornom organu da neposredno pristupi dodjeli ugovora za nabavku predmetnih radova imenovanom ponuđaču.


Ugovorni organ je prihvatio preporuku Komisije i odlučio kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 30 dana od dana prijema Odluke. Žalba se izjavljuje u pisanoj formi direktno, elektronskim putem ili preporučenom poštanskom pošiljkom.

#### **DOSTAVITI:**

- ponuđačima
- službenik za informisanje
- a/a



**Općinski načelnik**

Edin Hozan